

এইচএসসির রোববারের পরীক্ষা সোমবার

আলিমের ২২ মে

যুগান্তর রিপোর্ট

জামায়াতে ইসলামীর ঢাকা হরতালের কারণে আগামী রোববারের এইচএসসি ও সমমানের (এইচএসসি বিএম) পরীক্ষা পরদিন সোমবার নেয়া হবে। তবে ওই দিনের মাদ্রাসা বোর্ডের আলিম পরীক্ষা ২২ মে নেয়া হবে। ঢাকা শিক্ষা বোর্ডের পরীক্ষা নিয়ন্ত্রক ড. শ্রীকান্ত কুমার চন্দ্র এ তথ্য জানিয়েছেন।

রোববার বিকালে এইচএসসিতে পদার্থবিজ্ঞান দ্বিতীয় পত্র, ব্যবসায় সংগঠন ও ব্যবস্থাপনা দ্বিতীয়পত্র, ব্যবসায় নীতি ও প্রয়োগ দ্বিতীয় পত্র এবং ব্যবসায় সংগঠন ও ব্যবস্থাপনা (আবশ্যিক) বিষয়ের পরীক্ষা ছিল। এগুলো সোমবার বিকালে হবে। এ ছাড়া রোববার সকালে এইচএসসিতে বাংলা ভাষা ও সাহিত্য দ্বিতীয়পত্র এবং ইংরেজি ভাষা ও সাহিত্য দ্বিতীয় পত্র পরীক্ষা ছিল। এগুলো সোমবার সকালে নেয়া হবে।

তবে কারিগরি বোর্ডের এইচএসসি বিএমের পরীক্ষা রোববার বিকালে নেয়ার কথা ছিল। নতুন সময়সূচি অনুযায়ী তা নেয়া হবে সোমবার সকালে। আর রোববার আলিমে রসায়ন প্রথমপত্র (তত্ত্বীয়), অর্থনীতি প্রথমপত্র

■ পৃষ্ঠা ১৪ : কলাম ৫

এইচএসসির রোববারের পরীক্ষা সোমবার (১ম পৃষ্ঠার পর)

(অতিরিক্ত বিষয়), পৌরনীতি প্রথমপত্র
(অতিরিক্ত বিষয়), পৌরনীতি ও সশাসন
প্রথমপত্র (অতিরিক্ত বিষয়), উচ্চতর ইংরেজি
প্রথমপত্র (অতিরিক্ত বিষয়), উর্দু প্রথমপত্র
(অতিরিক্ত বিষয়) এবং ফার্সি পরীক্ষা ছিল।